



mjesečni Bilten

omladinska mreža bosne i hercegovine



mart
ožujak
2020.

250

Dragi prijatelji/ce,

Predstavljamo vam **martovsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u martu.....	2
Aktivnosti članova mreže	8
Saopštenja/informacije/donatori/pozivi.....	18

Uživajte u čitanju!

AKTIVNOSTI ORC/HCA U MARTU 2020.

#NeLaj – Boris Divković Fondacija

Fondacija Boris Divković organizuje edukativne treninge namijenjene mladim predstavnicima različitih političkih stranaka koji dolaze iz cijele BiH.

#NeLaj će ove godine trenirati u tri grada: Sarajevo, Banja Luka, Mostar! Trening za mlade političare iz Mostara je održan od 13. do 15. marta. Drugi dan edukativnog treninga je započeo sa predavanjem Karamujić Emira, predstavnika ORC Tuzla.



Tema predavanja je bila “Kako se boriti protiv govora mržnje na digitalnim platformama”, sa primjerima CAT kampanje i praktičnom radionicom za mlade političare iz Mostara.

Poslije serije treninga će uslijediti follow up aktivnosti, u vidu organizovanja Galerije uvreda i govora mržnje širom gradova BiH.

Cilj projekta je naučiti sudionike o posljedicama negativnog korištenja online platformi i podići svijest o nasilnom ekstremizmu, govoru mržnje i cyber bullyingu.

Glavno pitanje na koje želimo odgovoriti je: Gdje je linija između govora mržnje i slobode govora? Projekat finansira USAID Bosnia and Herzegovina, a njegovu provedbu podržava IOM Bosnia and Herzegovina u okviru programa BHRI. #NeLaj projekat implementira Fondacija Boris Divković.

#OstaniKući – Tim Volontera Tuzla



U skladu sa odlukom Vlade Federacije o proglašenju stanja nesreće uzrokovanom širenjem koronavirusa Omladinski resursni centar Tuzla odlučio je da pokrene grupu #OstaniKući - Tim Volontera Tuzla sa ciljem pomoći našim građanima starije dobi i svim građanima Tuzle koji spadaju u rizičnu skupinu i zbog toga nisu u mogućnosti da sami obave kupovinu namirnica, lijekova, plaćanja računa i sl.

Cilj grupe:

-Da se jave sve mlade i sposobne osobe koje žele pomoći nekome od svojih sugrađana.

-Ukoliko živite van BiH, apelujemo da ne dolazite dok se situacija ne stabilizuje, a do tada nam javite ukoliko je nekome vašem u Tuzli potrebna pomoć.

-Ako ste vi upravo ti kojima treba pomoć u ovoj kriznoj situaciji također potrebno je samo da pišete u grupu i vjerujemo da će se već neka mlada i sposobna osoba javiti da vam pomogne.

UPOZORENJE

-Volonter može biti samo osoba koja u skorije vrijeme nije putovala i nije mu bila određena izolacija

-Volonter može biti samo osoba koja u prethodnih 20 dana nije imala simptome gripe i prehlade kao što su povišena temperatura, kašalj i sl. [LINK GRUPE](#).

Građani protiv terorizma - CAT

Tokom mjeseca marta, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama, a ovog mjeseca se trudimo građane objektivno informisat o novonastaloj situaciji kada je u pitanju koronavirus bez dizanja panike, te ponuditi alternative kao što je online obilazak pozorišta, besplatni stripovi, top liste filmova i sl. **#OstaniKodKuće**

Ukoliko još uvijek ne pratite naše mačke – pozivamo vas da to učinite na:

www.facebook.com/CATBiH

www.catbih.ba

www.instagram.com/cat.bih



Even salt looks like sugar – Sremski karlovci, Srbija

U Sremskim Karlovcima je od 10. od 16. marta održana međunarodna omladinska razmjena.

Erasmus+ omladinska razmjena je održana u okviru projekta Even Salt Looks Like Sugar. Omladinska razmjena je imala za cilj naučiti mlade o bitnim pojmovima medijske pismenosti.

Even Salt Looks Like Sugar je projekat omladinske razmjene između zemalja Bosne i Hercegovine, Srbije, Slovenije, Palestine, Libana i Tunisa.

Projekat je prvobitno planiran da traje od 10. do 19. marta. Nažalost, zbog situacije izazvane pandemijom Covid-19 virusa, omladinska razmjena je prekinuta 16. marta.

Omladinski resursni centar Tuzla je partner na projektu ESLLS, zajedno sa konzorcijem partnera iz prethodno navedenih zemalja. Projektni lider je organizacija iz Srbije, Balkan Idea Novi Sad – BINS. Projekat kofinansira Europska Komisija kroz program Erasmus+ Mladi u akciji KA1.

Predstavnici Omladinskog resursnog centra Tuzla su bili Slobodan Blagovčanin i Emir Karamujić.



Kolektivno grljenje nakon Korone i izlaska iz karantina

Situacija na planeti sa [#Korona](#) virusom ne jenjava, a sve više savjesnih građana se pridržava preporuka nadležnih o ostajanju u samoizolaciji/karantinu. Ljubav za vas. Naše mačke shvataju važnost spriječavanja širenja epidemije, te i same u svojim kućama maštaju i "jedvačekaju" grljenja i maženja. Međutim, kako bismo mogle da se grlimo duže sa ljudima koje volimo - ostajemo kod kuća i pozivamo sve vas da učinite isto!



[#OstaniKodKuće](#), a kada nam preporuke nadležnih budu dozvolile velike skupove - pravimo KOLEKTIVNO GRILJEJE NA NAŠIM TRGOVIMA

Do tada ćemo se posvetiti sebi, a ovo su samo neki prijedlozi:

- Čitaj. Bukovskog, Orvela, Ćopića, Bazdulja. Bilo koga.
- Odmaraj uz filmove. Crno bijele, animirane, akcione, ljubavne i horore.
- Pogledaj dokumentarac. O nastanku Egipta, Padu Rima, Srednjem vijeku.
- Treniraj. Jedi. Piši, snimaj, fotkaj enterijer. Podijeli sa nama.

A može i

- Guglaj sve što te ikad bar malo interesovalo
- Odvoji lažne od pravih vijesti. Prati [Raskrinkavanje](#)
- Odvoji vrijeme i nasmej se tekstovima [Šatro.info](#)
- Razmisli o važnosti tvog glasa - podrži [Kampanja #tvoiglasjebitan](#)
- Uživaj u novom albumu [Helem neise](#)
- Pravi meme-ove sa [CAT Bosna i Hercegovina](#)

Posveti se sebi. Riješi se one dosadne anksioznosti. Javi se prijateljima. Prati upute nadležnih i ostani kod kuće. [LINK DOGAĐAJA.](#)



Instagram izazov #15SEKSLAVE

CATBiH u ovim tmurnim i kriznim vremenima koronavirusa pokreće novi instagram trend! Budi i ti junak i pokaži šta znaš u 15 sekundi! **Ovo je tvojih 15 sekundi slave!**

[Imamo novi izazov za vas!](#)



Sve što trebate uraditi jeste:

1. Napravite kratki video u trajanju od 15 sekundi za vaš instagram story gdje pokazujete neku **svoju sposobnost** iz vašeg doma.
2. Na story stavite hešteg **#15SEKSLAVE**
3. Označite **@cat.bih**
4. Nominujte **tri** prijatelja

Svaki vaš story ćemo podijeliti na naš [instagram profil](#).

Tekst koji šaljete nakon objavljenog videa u privatnu poruku označenim ljudima:

Dragi/a, CAT BiH u želji da vrijeme provedeno u karantinu učini lakšim za sve nas se odlučio pokrenuti akciju: “#15SekSlave”. Stoga te pozivamo da se uključiš, te da odabereš još 3 osobe za koje smatraš da imaju nešto da pokažu/kažu u 15 sekundi i označiš ih zajedno sa @cat.bih.


Po završetku nominacije, slobodno možeš ovu poruku kopirati i poslati nominovanim prijateljima. Pazi sebe i svoje bližnje!

Naše junake od 15 sekundi već sada možete pogledati na priči našeg instagram profila [@cat.bih](https://www.instagram.com/cat.bih).

Požuri i ugripi svojih 15 sekundi slave! Budi CATheroj!

ANKETA: Žene u preduzetništvu – fenomen današnjeg doba

Iako su žene većina u svjetskoj populaciji, one su u sferi preduzetništva manjina, zbog socijalnog, ekonomskog i političkog nepovoljnog položaja u odnosu na muškarce. Nejednakosti zbog spola na tržištu rada i preduzetništva, povezane su s nejednakim mogućnostima za obrazovanje i usavršavanje, što se dalje proteže na to koliko žene sudjeluju u poslu, na njihov izbor zanimanja i mogućnosti napredovanja.



Upravo iz ovih razloga želim da VAS zamolim da izdvojite minutu svog vremena za ispunjavanje **ankete** za potrebe diplomskog rada na temu “**Žene u preduzetništvu – fenomen današnjeg doba**”.

Popunite anketu klikom OVDJE.

Bila bih Vam zahvalni na daljnjoj distribuciji ankete, jer smatram da je bitno u istraživanje uključiti što veći broj ljudi kako bi rezultati istraživanja bili precizniji i kako bi se što pouzdanije izvukli **konkretni podaci kada su u pitanju potrebe, interesi tržišta i pozicija žena u poslovnom svijetu!**

Hvala Vam! Anketiranje je anonimno, a rezultati istraživanja koristit će se u svrhu izrade diplomskog rada.

Mirela Biković

CAT BiH: Online priručnik za online kampanje potpuno besplatno!



Online omladinski rad je u punom jeku! Povećaj vidljivost svoje organizacije, komuniciraj sa mladima preko društvenih mreža.

Marinela Szymanska i Ivana Volf su napisale za [CAT Bosna i Hercegovina](https://www.cat-bih.net) fantastičan priručnik sa temom online kampanja!

“Namjera nam je bila da pomognemo svima onima (ni krivima, ni duznima) zaduženim za kreiranje online kampanja i kvalitetnu promociju divnih aktivnosti svojih omladinskih organizacija.” – kaže **Marinela**.

Pravo je vrijeme da pokrenete online kampanju, a mi smo tu da vas

uputimo na pravi put.

Kada, ako ne sada?

[Online priručnik za online kampanje potpuno besplatno za sve vas! – Citizens Against Terrorism](https://www.cat-bih.net)

REDOVNE AKTIVNOSTI ORC I HCA TUZLA

Tokom marta radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuili informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.



AKTIVNOSTI ČLANICA OMLADINSKE MREŽE BiH



Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Youth Corners of Trust and peace

Udruženje građana „C.E.Z.A.R.“ uz podršku Američke ambasade u Bosni i Hercegovini realizuje projekat „Youth Corners of Trust and Peace“, kroz homestay program. U pitanju je projekat koji doprinosi razvoju saradnje i razumijevanja među mladima različitog etničkog porijekla, koji žive u tri različite opštine u BiH. Projekat podrazumijeva razmjene po homestay principu – smještaj u porodicama, te edukaciju mladih iz druge dvije opštine u Bosni i Hercegovini o procesu izgradnje Omladinskog parka u Srpcu, kako bi nešto slično izgradili i u svojim opštinama – „omladinske kutke“.

Početkom marta održana je prva „homestay“ razmjena u Srpcu, kada su mladi iz Srpca ugostili mlade iz Sarajeva i Travnika. Gosti su imali priliku i da detaljnije upoznaju opštinu Srbač, pa su organizovani izleti na manastir Osovicu i Bardaču. Bila je ovo jedinstvena prilika za većinu mladih iz Sarajeva i Travnika da se prvi put upoznaju sa pravoslavnom vjerom, a topla dobrodošlica u manastiru Osovice je izazvala pozitivne reakcije. Posjeta Bardači upotpunila je obilazak srbačke opštine, a osim obilaska Srpca, UG „C.E.Z.A.R.“ organizovao je i kratki turistički obilazak Banjaluke.



Nakon razmjene u Srpcu, već sljedeći vikend mladi iz Srpca i Sarajeva posjetili su Travnik. Učesnici projekta su imali priliku da obiđu mnoge znamenitosti, kao što su: rodna kuća Ive Andrića, Šarena džamija, Nadbiskupska gimnazija, crkva Svetog Ivana Krstitelja, crkva Uspenja Presvete Bogorodice, Sahatkule, tvrđava Stari grad itd, a osim obilaska Travnika, organizovana je i posjeta Vlašiću, koja je uokvirila prijatno druženje mladih iz Srpca, Sarajeva i Travnika.

Projekat “Youth Corners of Trust and Peace” je prvi projekat ovakvog tipa koji realizuje Udruženje građana “C.E.Z.A.R.”, a sudeći po pozitivnim reakcijama mladih koji su aktivno učestvovali, sigurno je da će se slične razmjene realizovati i nakon završetka ovog projekta. Mladi iz Srpsca, Sarajeva i Travnik poslali su jedinstvenu poruku mira, te su shvatili da, iako imaju različito etničko porijeklo, među njima ne postoje razlike i ne smiju da se dijele nego da se međusobno pomažu, razumiju i druže. Projekat se nastavlja realizacijom razmjene u Sarajevu, te izgradnjom omladinskih kutaka u Sarajevu i Travniku.



You can – Youth can: Community Focused Youth Leadership



međunarodni razvoj (USAID).

Projekat “You can – Youth can : Community Focused Youth Leadership” realizuje se istovremeno u nekoliko opština, a podrazumijeva realizaciju kroz četiri modula sa krajnjim ciljem podsticanja na omladinski aktivizam, kroz edukacije o omladinskom radu, medijima, projektnom menadžmentu, mobilnosti mladih i slično. Završni događaj je konferencija koja će okupiti sve učesnike projekta u Banja Luci.

Mladi iz Srpsca imali su priliku učestvovati u edukaciji o medijima, odnosima sa javnošću, digitalnom omladinskom radu, asertivnoj komunikaciji te komunikaciji sa mladima. U pitanju je edukacija koja je sprovedena u okviru projekta „You can – Youth can: Community Focused Youth Leadership”, koji realizuje Agencija za razvoj i saradnju Cerebra iz Banja Luke, zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM), uz finansijsku podršku Američke agencije za



Kreativna radionica povodom Osmog marta

Polaznici kreativnih radionica "Mali kreativci" posjetili su Narodnu biblioteku Srbac, i u susret Osmom martu izrađivali čestitke za svoje majke! Bilo je ovo tradicionalno druženje najmlađih članova Udruženja građana "C.E.Z.A.R." sa Dječjim odjeljenjem Narodne biblioteke i prilika za planiranjem zajedničkih aktivnosti i u budućnosti.



Online kampanja "Ostani kući"

Povodom trenutne situacije sa virusom COVID19, članovi i volonteri Udruženja građana „C.E.Z.A.R.“ pokrenuli su online kampanju koja ima za cilj podizanje svijesti kod građana o značaju poštovanja naređenja nadležnih službi s ciljem prevencije širenja ovog virusa. Kampanja se odvija svakodnevno na profilima udruženja na društvenim mrežama facebook i instagram, objavljivanjem fotografija i video snimaka na kojima djeca i mladi poručuju svima da ostanu kući i tako daju svoj doprinos smirenju trenutne situacije. Jedan dio kampanje nalazi se na linku <https://youtu.be/cgP9UANIV3Q>.



**Udruženje za društvena istraživanja i komunikacije - UDIK**

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.comWeb: www.udik.org; www.udik-brcko.org

UDIK-ova nova publikacija: Ratni zločini u Sijekovcu

U povodu 28. godišnjice od stradanja civila u Sijekovcu kod Broda, Udruženje za društvena istraživanja i komunikacije (UDIK) predstavlja publikaciju **Ratni zločin u Sijekovcu – predmet: Zemir Kovačević**. U pitanju je deveta knjiga iz edicije: Ratni zločini – transkripti presuda sudova u Bosni i Hercegovini. Radi se o dokumentovanju ratnog zločina koji se dogodio 26. marta 1992. godine kada su različite formacije izmiješane između Bošnjaka i Hrvata, sa oznakama hrvatskih vojnih formacija, prešle rijeku Savu iz Hrvatske, i u Sijekovcu počinile ratni zločin nad stanovništvom srpske nacionalnosti. Sud Bosne i Hercegovine je u maju 2014. godine osudio Zemira Kovačevića na deset godina zatvora.

Ova publikacija je nastala u saradnji sa Sudom Bosne i Hercegovine. Unutar knjige nalaze se prvostepena i drugostepena presuda Zemiru Kovačeviću, te lista stradalih Sijekovčana. Knjigu objavljujemo u znak sjećanja na nevino ubijene stanovnike Sijekovca.

Podsjećamo da je UDIK do sada objavio više od dvadeset publikacija koje se bave dokumentovanjem ratne prošlosti devedesetih na prostorima bivše Jugoslavije. Knjige su dostupne u više od 100 biblioteka u Bosni i Hercegovini, Crnoj Gori, Hrvatskoj, Sjevernoj Makedoniji, Srbiji, drugim zemljama Evrope i Americi.



Institut za
razvoj mladih KULT



Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: kult@mladi.org, web:
www.mladi.org

Godišnjak 2019: KULTwoman i KULTman stvaraju bolje uvjete života mladih

Institut za razvoj mladih KULT objavio je Godišnjak 2019. u obliku stripa, koji možete preuzeti na [ovom](#) linku. Ne zaboravite Godišnjak podijeliti sa svojim prijateljima!

Posljednja godina proteklog desetljeća vrlo je važna za mlade u Bosni i Hercegovini.

Mladi su u 2019. g. bili pokretačima promjena u društvenoj, ekonomskoj i političkoj sferi. Svojim angažmanom doprinijeli su razvoju mjesta u kojima žive i provode vrijeme. Sprječavali su ekološke katastrofe uređujući zelene površine i pretvarajući ih u kvalitetne prostora za druženje i učenje. Omogućili su svojim vršnjacima da sudjeluju u kulturnim, umjetničkim i sportskim manifestacijama, bili podrška obrazovnim institucijama i pomagali osobama s poteškoćama u razvoju. Radili su na rješavanju nezaposlenosti mladih osnivanjem novih biznisa i zapošljavanjem svojih vršnjaka, ali i razmjenom znanja i iskustava o preduzetništvu. Bili su podrška lokalnim vlastima u provođenju zakona o mladima, aktivno su se uključivali u politički život



kako bi u budućnosti mogli doprinositi boljem ambijentu za sve mlade, a u svemu tome - Institut im je pružao ogromnu podršku. Zato su mladi superheroji svojih zajednica!

U 2019. g. Institut je potpisao vrlo važan sporazum s Ministarstvom civilnih poslova BiH, koji će rezultirati jedinstvenom analizom položaja i potrebe mladih u Bosni i Hercegovini. To, u konačnici, znači da će postojati jasne i korisne informacije za državne institucije u kojem se pravcu treba kretati briga o mladim ljudima, upravo onakva kakvu mladi očekuju.

Izdvajamo neke od partnera Instituta u 2019. g.: Američka agencija za međunarodni razvoj USAID, Ambasada Kraljevine Švedske u BiH, Evropska unija, Ambasada Kraljevine Nizozemske u BiH, švedski Olof Palme Centar, Njemačka agencija za međunarodni razvoj GIZ, Ministarstvo civilnih poslova BiH, Kanton Sarajevo, Federacija Bosne i Hercegovine, Općina Ilidža, Grad Sarajevo i 50 drugih lokalnih zajednica u BiH.

Kroz strip će vas voditi naši KULTwoman i KULTman i predstaviti će vam šta je Institut postigao u 2019. godini uz podršku donatora, partnera, institucija vlasti i mladih. Zato ne preskačite stranice!

Omladinski radnici u BiH: Branislav Ristić

Omladinski sektor u Bosni i Hercegovini bogat je profesionalcima koji se neprestano zalažu za kreiranje boljih uslova za mlade. Jedan od primjera posvećenog omladinskog radnika je i Branislav Ristić iz Prnjavora. Branislav je apsolvent na Prirodno matematičkom fakultetu u Banjoj Luci, na odsjeku za ekologiju i zaštitu životne sredine. Trenutno radi ono što najviše voli, bavi se omladinskim radom na lokalnom i međunarodnom nivou, u omladinskom centru "Zdravo da Ste", gdje je zaposlen kao projekt menadžer i koordinator aktivnost koje se tiču mladih.

Ideja da postane omladinski radnik, kako sam kaže, rodila se iz veoma sponatanog slijeda događaja koji je uključivanjem u NVO sektor prerastao u veoma logičan smjer ličnog razvoja, začinjjen svojim i statusom mladih u zajednici. Opredjeljenje prema neformalnom obrazovanju u svom ličnom razvoju navelo ga je da kao pojedinac doprinosi promociji i razvoju ove vrste obrazovanja u okruženju u kojem živi.



Branislav smatra da je u BiH veoma lako postati omladinski radnik. Samo je potrebno ostati u BiH, imati volju za rad sa mladima, tolerisati njihove godine, slušati svoje i potrebe mladih, slušati svoje i želje mladih, biti svjestan okruženja u kome se nalazimo, provoditi vrijeme sa mladim ljudima, stvarati prilike (sa) mladim ljudima, dijeliti, informisati se i uključivati mlade u različite procese iskustvenog učenja i donošenje odluka.

Kao neko ko prepoznaje značaj kontinuiranog usavršavanja i cjeloživotnog učenja, Branislav je tokom 2018. godine pohađao Obuku za stručne saradnike/ice koju organizira i provodi Institut za razvoj mladih KULT uz podršku Olof Palme International centra.

Obuka za stručne saradnike/ce mu je pomogla na različitim nivoima. Branislav kaže da je upoznao nove kolege koji rade (ili bar pokušavaju) slične stvari kao i on. Smatra da razmjena iskustava dobro dođe svakom omladinskom radniku i da je prepoznavanje potreba mladih, ali i onih koji rade s mladima bilo jedno od ključnih iskustava na obuci. Obuka je na neki način bila „vjetar u leđa“ dosadašnjem radu i dodatna motivacija za daljnja osvajanja „vrhova omladinskog rada“.

Trenutno stanje omladinskog sektora u Bosni i Hercegovini Branislav opisuje kao „Nikad manje mladih, a više posla za omladinski sektor.“ Za nekoliko godina, kako sam kaže, sebe vidi više u BiH nego vani, a mladima koji ostaju ili odlaze poručuje da posmatraju, razmišljaju i aktiviraju se.

Branislav Ristić je još jedan od primjera posvećenih profesionalaca koji kroz omladinski rad grade bolju budućnost za sebe, ali i za sve mlade koji ostaju.

HAS Robotics umjesto robotskih ruku proizvodi zaštitne maske za medicinare

HAS Robotics je kompanija koja se bavi proizvodnjom robotskih ruku u svrhe edukacije, a u vrijeme pandemije u potpunosti je obustavila svoju proizvodnju i započela proizvodnju zaštitnih maski za medicinsko osoblje. Osnivač ove kompanije je mladi Brčak, Haris Salkić, čiju biznis ideju su podržali Institut za razvoj mladih KULT i Ambasada Kraljevine Švedske u BiH.

Materijal koji je stigao za proizvodnju robotskih ruku, Haris je želio preusmjeriti za proizvodnju zaštitnih maski i na taj način pomoći svojim sugrađanima. Maske će prvenstveno koristiti medicinskom osoblju prilikom uzimanja uzoraka potrebnih za analizu na koronavirus.

Haris navodi da je okidač zbog čega su se odličili na ovaj potez bio prilika za pomoć njihovoj lokalnoj zajednici. Uz to, Haris navodi da njegova majka radi kao medicinska sestra na hitnoj pomoći i želio je pomoći njoj i njenim kolegama jer su oni direktno izloženi opasnosti.

Proizvedene maske HAS Robotics ustupio je zdravstvenim institucijama i Kriznom štabu u Brčko Distriktu BiH.

Ukoliko ste u mogućnosti uključiti se u ovu akciju kroz donaciju materijala ili 3D printera za izradu vizira, Harisa možete kontaktirati putem emaila: haris@hasrobotics.com ili na broj telefona 060 305 10 37. U suprotnom ostanimo kod kuće i na taj način spriječimo širenje virusa.



OMLADINSKA ORGANIZACIJA "SVITAC"



Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je prvi dio mjeseca nastavila sa svakodnevnom aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne dekoracije: maske za maskenbal, karte posvećene mami, sunčev sistem i planete, te raditi od plastelina razne oblike životinja. Na radionicama engleskog jezika su učili kako se kažu određene vrste voća, te vokabular na temu ljubav i prijateljstvo. Ovaj vokabular je takođe rađen u toku mjeseca i na njemačkom jeziku. Obje radionice jezika su vremenski i metodički prilagođene uzrastu učenika uz puno slika, spajanja određenih izraza i bojanja radnih listova. Grupa sa najmlađim učesnicima je nastavila vježbati abecedu - slova G i H te su učili pisati slova I i J i riječi koje počinju tim slovima. Na muzičkim radionicama su nastavili vježbati pjesmicu „Ivin voz“ i u okviru te radionice vježbali održavanje ritma uz prethodno napravljene male zvečke. Takođe su plesali zumbu za djecu uz pjesme „Minions“ i Madagascar“ te radili ritmičke igre. U okviru redovnih aktivnosti, ovaj mjesec smo takođe posvetili pažnju higijeni i piramidi zdrave ishrane, gdje smo metodama prilagođenim uzrastu ukazali na važnost održavanja higijene i zdrave ishrane, te učili koliko često i kako ispravno treba prati ruke i zube i jesti voće i povrće. Jedna od zanimljivijih radionica je bila i tema „čula“. Učesnici su učili o našim super moćima „čulima“ te uz zabavne radne metode vježbali čulo mirisa, sluha i vida. Takođe su učili kako ispravno postaviti i koristiti pribor za jelo, te su bojali radni list prilagođen uzrastu. Ovaj mjesec su slušali priče „Princeza maslačkica“ i „Planete-naši drugari“ gdje su učili o važnosti prijateljstva i očuvanju zdrave okoline. Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.



Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Ovaj mjesec smo takođe održali interaktivnu radionicu za uzrast 15+ na temu „Uzori mladih u muzici i njihov uticaj“. Grupa je diskutovala o raznim muzičkim pravcima, izvođačima i njihovim tekstovima, te kakav uticaj imaju na mlade. Najviše se diskutovalo o muzičkim pravcima turbo-folk i rap/trep, te su se čitali izdvojeni dijelovi iz tekstova pjesama Svetlane Cece Ražnjatović, Buba Koreli i Jala brat, te kakvu poruku šalju kada se radi o ljubavi, vezi, položaju žena i djevojaka u patrijahalnom društvu, te o kriminalu i konzumiranju opojnih narkotika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Ovaj mjesec smo takođe održali interaktivnu radionicu za uzrast 15+ na temu „Uzori mladih u muzici i njihov uticaj“. Grupa je diskutovala o raznim muzičkim pravcima, izvođačima i njihovim tekstovima, te kakav uticaj imaju na mlade. Najviše se diskutovalo o muzičkim pravcima turbo-folk i rap/trep, te su se čitali izdvojeni dijelovi iz tekstova pjesama Svetlane Cece Ražnjatović, Buba Koreli i Jala brat, te kakvu poruku šalju kada se radi o ljubavi, vezi, položaju žena i djevojaka u patrijahalnom društvu, te o kriminalu i konzumiranju opojnih narkotika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje.

Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionice gitare

Učesnici radionice gitare su nastavili rad na etidama, tehnikama, kompozicijama, skalama, harmonizaciji i improvizaciji iz prethodnog perioda, uključujući dječije pjesmice za najmlađe polaznike („Na kraj sela“, „Vrapčiću“), pop-rock („Hotel California“) i improvizaciju („Here is That Rainy Day“ i „All The Things You Are“).

Radionice sambe

Učesnici ove radionice su uglavnom uvježbavali novu kompoziciju. Temelji se na 7/8- taktu, promjenama u 6/8, 5/8, 9/8 i konačno 4/4.

Upotreba električne i bas gitare uz elektronsku muziku (programirani efekti i ritmovi također su korišteni tokom rada na kompoziciji) daje novu dimenziju muzičkim radionicama i otvara nove mogućnosti za rad. Bilo je zanimljivo raditi sa međunarodnim volonterima koji su učili, a zatim uspješno svirali ritmove ka što su 7/8 ili 5/8 (ritmovi koji su uobičajeni na Balkanu, ali zvuče „egzotično“ za „zapadno uho“ i teško ih je svirati).

ECO Projekat

Eco tim je održao uličnu akciju u svrhu prikupljanja novčanih sredstava za kupovinu novih sadnica stabala i ozelenjavanja gradskih površina. Učesnici su napravili kolače, koje su po simboličnim cijenama prodavali na gradskom trgu sa porukom – Jedan kolač jedno drvo-. Učesnici su takođe posjetili „Gradske bašte“ i započeli postavljanje gredica za uzgoj biljaka i povrća pored rijeke Save. I dalje nam je veoma drago što smo dio priče „Gradske bašte“ i što možemo podržati naš grad i kreativne mlade ljude, koji su došli na ovu ideju.

“Dan nulte diskriminacije” (Zero Discrimination Day)

UN je 1. mart proglasio „Danom nulte diskriminacije“. Na ovaj dan se podiže osviještenost o prihvatanju različitosti i društvene jednakosti u zaštiti ljudskih prava, te kako svi ljudi trebaju živjeti život dostojan svakog čovjeka. Svitac je održao radionicu na ovu temu. Učesnici uzrasta 4 do 6 godina razgovarali su o ljudima koji imaju fizičke nedostatke (osobe koje su slijepe ili gluvonijeme). Učili su kako ti ljudi mogu komunicirati i živjeti svoj svakodnevni život. Učesnici su naučili znakove mira, ljubavi, „prijatelji smo“ na znakovnom jeziku Makaton. Takođe su naučili da postoje psi, koji su posebno trenirani kako bi pomogli slijepim osobama. U drugom dijelu je bilo nekoliko vježbi sa povezom preko očiju, a zadatak je bio da nacrtaju cvijeće, te lavirint gdje je jedan učesnik imao povez preko očiju, a njegov par mu je trebao pomoći da prođe kroz lavirint. Posljednji primjer je bio sa slušalicama, kada ih je jedno dijete nosilo, a drugo tiho pokušavalo nešto reći. Zadatak je bio pogoditi riječ, ali bilo je teško, jer je muzika sa namjerom bila pojačana. Sve radne metode su bile prilagođene uzrastu učesnika.

Radionica je održana u Omladinskom centru Brčko distrikta.



“Vizija zajedničke budućnosti – ekološka pitanja u Njemačkoj i Bosni i Hercegovini

Omladinska organizacija Svitac je 10. marta održala radionicu o pitanjima zaštite okoliša u Njemačkoj i Bosni i Hercegovini u JU Poljoprivrednoj i medicinskoj srednjoj školi u Brčko distriktu. Radionica je bila dio projekta razmjene učenika srednjih škola iz Njemačke i BiH, a pripremile su je i koordinirale međunarodna volonterka iz Njemačke Hannah Kuelper, Amila Duraković, učenica iz Brčkog i Edina Vošanović (Svitac koordinator).



Na početku radionice učenici su pogledali video "Drage buduće generacije" kako bi se upoznali sa temom. Nakon videa podijeljeni su u pet grupa od sedam osoba; svaka grupa se sastojala od učenika iz Njemačke i BiH; dobili su priliku kreirati dijalog i zagrijati se za sljedeći zadatak. Mješovite grupe su razgovarale o problemima okoliša, učenici su pročitali kratke informacije o zagađenim rijekama u Bosni i Hercegovini, zagađenju zraka u Sarajevu, krčenju šuma, utjecajima hrane na okoliš i brzom modi. Nakon toga grupe su dobile tekst i pitanja, na koja su trebale odgovoriti, te pripremiti kratke prezentacije sa odgovorima i njihovim ličnim mišljenjem. Nakon prezentacija su imali priliku razgovarati o našim mogućnostima za prevenciju protiv tih problema okoliša i podizanja ekološke svijesti, o onome što već rade i kakve su njihove šanse za život u budućnosti. Usporedili su i kako se Vlada i građani Njemačke i BiH bave ovim pitanjima. Na radionici je prisustvovalo 35 učenika.



Zbog preventivnog djelovanja i sprečavanja pojave širenja Corona virusa od 16-og marta Omladinska organizacija Svitac je počela sa online aktivnostima i diskusijama za učesnike dnevnih radionica, radionica jezika, gitare i sambe uz pomoć lokalnih i međunarodnih volontera.

Za april se planira nastavak svih online aktivnosti Omladinske organizacije Svitac.

INFORMACIJE / DONATORI / POZIVI

Otvoren četvrti poziv za dodjelu Media Production i Media Mixer grantova

Program osnaživanja nezavisnih medija (IMEP) objavljuje četvrti poziv za apliciranje za Media Production i Media Mixer grantove.

IMEP je USAID-ov petogodišnji program (april 2017 – april 2022.) sa glavnim ciljem da doprinese nezavisnosti medija i slobodi izražavanja u Bosni i Hercegovini kroz jačanje održivosti medija, podizanju kvaliteta medijskog sadržaja, jačanju kapaciteta novinara, osiguranju pravne podrške medijskim organizacijama i novinarima, uključujući građane kao aktivne učesnike koji doprinose medijskom prostoru, sa elementima jačanja kapaciteta građana i jake promocije nezavisnih medijskih glasova u BiH.

Rok za podnošenje aplikacija je 30.04.2020. godine.

Više informacija o objavljenom pozivu možete pronaći [OVDJE](#).

Zahtjevi za eventualna pojašnjenja u vezi sa ovim Javnim pozivom trebaju biti upućeni isključivo putem e-maila na adresu grantovi@imep.ba sa naznakom reference poziva (IMEP/MGS-MP-4 ili IMEP/MGS-MM-04) i nazivom aplikanta u Subject-u e-maila.

Odgovori na pitanja će biti objavljeni na web stranici projekta www.imep.ba u skladu sa datumom koji je predstavljen u rasporedu.

Informativna sesija će se održati online 10.04.2020. u 11:00h.

Balkan Green Ideas: osvojite do \$10.000 za svoju ideju ili biznis

[Balkan Green Ideas](#) je regionalni program podrške društvenim poduzetnicama i poduzetnicima koji u Bosni i Hercegovini provodi [Fondacija Mozaik](#) uz podršku [Rockefeller Brothers Fund](#). Cilj programa je pružiti finansijsku i mentorsku podršku idejama i biznisima koji će doprinijeti razvoju lokalnih zajednica na održiv način. Tri najbolje ideje iz Bosne i Hercegovine će učestvovati na regionalnom takmičenju Balkan Green Ideas koje će se održati 24-26. juna 2020. godine u Beogradu, u organizaciji Balkan Green Foundation i Rockefeller Brothers Fund.

Za pet najboljih, predviđene su nagrade od \$10.000 i \$5.000.

Ne propusti priliku da se prijaviš **do 20. aprila 2020. godine** i osvojiš finansijsku i mentorsku podršku za razvoj svoje ideje ili biznisa.

Kakve poslovne ideje ili biznise tražimo

Tražimo inovativne ideje ili biznise koje se oslanjaju na resurse u zajednici za rješavanje društvenih problema, a da pri tom štite životnu sredinu pridržavajući se principa održivog razvoja. To su poslovne ideje kojima želimo doprinijeti zajednici, a da pri tome ne ugrozimo resurse za buduće generacije. Održivi razvoj je bitan, zato nam je posebno važno da je ideja ili biznis doprinesu ostvarenju barem jednog od sljedećih Ciljeva održivog razvoja (SDGs):

- Cilj 2. Iskorijeniti glad;
- Cilj 7. Osigurati pristup pouzdanoj, održivoj i suvremenoj energiji po pristupačnim cijenama za sve;
- Cilj 8. Promovirati uključiv i održiv ekonomski rast, punu zaposlenost i dostojanstven rad za sve;
- Cilj 11. Učiniti gradove i naselja uključivim, sigurnim, prilagodljivim i održivim;
- Cilj 12. Osigurati održive oblike potrošnje i proizvodnje;
- Cilj 13. Poduzeti hitne akcije u borbi protiv klimatskih promjena i njihovih posljedica;

- Cilj 15. Zaštititi, uspostaviti i promovirati održivo korištenje kopnenih ekosistema, održivo upravljati šumama, suzbiti dezertifikaciju, zaustaviti degradaciju tla, te spriječiti uništavanje biološke raznolikosti.

Ko se može prijaviti?

Program je otvoren za pojedinke i pojednice, neformalne grupe, nevladine organizacije i registrovane biznise (obrt, samostalno preduzetništvo, komercijalna poljoprivredna gazdinstva ili d.o.o.) čiji godišnji neto profit nije veći od 20.000 KM.

Važno je da imate državljanstvo Bosne i Hercegovine i da ideja ili biznis nisu stariji od 3 godine.

Ovaj put nismo u mogućnosti podržati ideje ili biznise javnih institucija i obrazovnih ustanova.

Ovisno o tome koliko je razvijena, ideju možeš prijaviti u 2 kategorije:

1. **Ideja** – svi oni koji su u ranoj fazi razvoja, još uvijek testiraju ili trebaju testirati koncept.
2. **Biznis** – svi oni koji već ostvaruju prihode za navedenu ideju (imaju proizvod ili uslugu koji prodaju na tržištu).

Pojedinke, pojednici i neformalne grupe se mogu prijaviti samo za kategoriju Ideja, dok se registrovani biznisi i nevladine organizacije mogu prijaviti u obje kategorije.

Ovo su kriteriji prema kojima ćemo birati najuspješnije:

- ideja ili biznis nisu stariji od 3 godine od dana otvaranja poziva;
- ideja ili biznis uključuje zapošljavanje u zajednici, korištenje tradicionalnih znanja i vještina (npr. zanata) ili se na neki drugi način oslanja na lokalne resurse;
- ideja ili biznis ima viziju ili plan zaštite i unapređenja životne sredine, odnosno da li je ekološki održiva;
- ideja ili biznis se temelji na planu postepenog rasta, odnosno da li je ekonomski održiva;
- ideja ili biznis je napravljena procjena lokalnog tržišta, uključujući i konkurenciju;
- ideja ili biznis je inovativna u odnosu na druge biznise i ideje u zajednici;
- ideja ili biznis ima pozitivan društveni impakt.

Ovo su važni datumi koje trebaš znati:

- 20. april 2020. godine je rok za podnošenje prijave;
- 21. april – 1. maj 2020. godine pregledamo prijave i biramo najuspješnije ideje ili biznise za Demo Day 1;
- 8-9. maj 2020. godine na Demo Day 1 najuspješniji će dobiti podršku za razvoj prototipa do 5.000KM ili sredstva za zajedničko ulaganje do 40.000KM (ovisno od faze razvoja), mentorsku podršku i priliku da se predstave na regionalnom takmičenju Balkan Green Ideas;
- 24-26. maj 2020. godine 3 najbolje ideje ili biznisa iz Bosne i Hercegovine, odabrane na Demo Day 1 se takmiče za nagradu u Beogradu na regionalnom takmičenju Balkan Green Ideas. Napomena: Na Demo Day 1 nije ograničen broj timova koji mogu dobiti podršku za razvoj prototipa ili sredstva za zajedničko ulaganje.

Ovo su nagrade koje možeš osvojiti u Beogradu:

- u kategoriji Ideja \$5.000 (2 nagrade)
- u kategoriji Biznis \$10.000 (3 nagrade).

Za Balkan Green Ideas se možeš prijaviti najkasnije do 20. aprila 2020. godine do 17 sati tako što ćeš popuniti ovu [formu](#).

Ako imaš pitanja ili su ti potrebne dodatne informacije piši na avdo@mozaik.ba.



Aplicirajte za Innovate Grantove za umjetnike i fotografe

Inicijativa Innovate Grant raspisuje konkurs za dodjelu grantova umjetnicima i fotografima širom svijeta. Inicijativa je nastala iz potrebe da se umjetnicima olakša rad i uštedi vrijeme i energija koju bi inače potrošili popunjavajući aplikacije za grantove koje iziskuju velik broj informacija, truda i resursa. Jednostavan process apliciranja za grant, što je cilj inicijative, omogućuje umjetnicima i fotografima da nesmetano rade na svojim projektima, neopterećeni i entuzijastični.

OBLAST: Umjetnost i fotografija

OPIS:

Novčani iznos granta je 550 dolara. Uz novčanu nagradu, dobitnici će imati priliku da predstave svoje radove putem vebajta Innovate Grant inicijative. Oblasti u umjetnosti koje dolaze u obzir su slikarstvo, izrada štampe, crtanje, skulptura, film/video, mješoviti mediji, instalacija, novi mediji. Žanrovi u fotografiji mogu biti portret, konceptualna fotografija, mrtva priroda, dokumentarna fotografija, ulična, kompozit, kolaž.

USLOVI: Kandidati iz cijelog svijeta se mogu prijaviti za konkurs dodjele granta, a koji su stariji od 18 godina.

NAČIN PRIJAVE: Da bi se prijavili na konkurs za dodjelu granta, kandidati su u obavezi priložiti lične podatke (ime i prezime), mail adresu, kategoriju granta, od 3 do 5 fotografija rada koji se kandiduje i 25 dolara kao naknada za aplikaciju, putem [linka](#).

ROK ZA PRIJAVU: 07. maj 2020. godine

Detaljnije informacije pronađite [ovdje](#).



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba

Mjesečni bilten uređuje
Omladinski resursni centar - ORC
Tuzla

Urednik Biltena:

Mirela Biković

*Prevod Biltena na engleski:***Emir Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com